



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-3-40-461-3/25**

Datum: **02.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «ALBA ZENICA» d.o.o. Zenica za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda u prirodni recipijent sa lokaliteta Centra za mehaničko-termičku obradu otpada u naselju Raspotočje grad Zenica, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj dozvoli**

1. Daje se vodna dozvola pravnom licu, «ALBA ZENICA» d.o.o. Zenica, za ispuštanje tehnoloških i oborinskih onečišćenih otpadnih voda u prirodni recipijent sa lokaliteta Centra za mehaničko-termičku obradu otpada izgrađenog u naselju Raspotočje na zemljištu označenom kao k.č. broj 298/13 K.O. Raspotočje, grad Zenica.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji predmetnog objekta i uz sljedeće uslove:
  - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se, za vrijeme trajanja ove dozvole, obezbjeđuje da se tehnološke otpadne vode nastale održavanjem i čišćenjem radnih površina za prikupljanje i obradu otpada zajedno sa onečišćenim oborinskim vodama sa platoa, saobraćajnih i manipulativnih površina predmetnog lokaliteta nesmetano prikupljaju sistemom slivnih rešetki i kanalizacione mreže te odvođe do objekta za tretman otpadnih voda (separator ulja i masti) a zatim ovako tretirane vode ispuštaju u kolektor oborinske kanalizacije sa krajnjim ispustom u rijeku Bosnu.
  - 2.3. Prečišćene otpadne vode prije ispuštanja u recipijent – rijeku Bosnu moraju ostati u maksimalno dopuštenim granicama definisanim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
  - 2.4. Da se objekti koji se koriste u svrhu prikupljanja, odvodnje i tretmana tehnoloških i oborinskih onečišćenih otpadnih voda nastalih u krugu kompleksa (slivničke rešetke, separator ulja i masti, kanalizaciona mreža) održavaju i koriste na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.
  - 2.5. Talog iz separatora, kao i ostali opasni i neopasni otpad, se ne smije ni privremeno odlagati na česticu «vodno dobro», odnosno u vodotoke i na njegove obale.
  - 2.6. Čišćenje i održavanje separatora ulja i masti te skladištenje i konačno zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja kao i preuzimanje drugog opasnog otpada.
  - 2.7. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring prije ispusta u recipijent u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 2.8. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladišti do njegovog konačnog zbrinjavanja od strane ovlaštene organizacije.
- 2.9. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objekta obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Pravno lice, «ALBA ZENICA» d.o.o. Zenica svojim zahtjevom, zaprimljenim u Agenciju dana 29.10.2025. godine zatražilo je izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokaliteta Centra za mehaničko-termičku obradu otpada izgrađenog u naselju Raspotočje na zemljištu označenom kao k.č. broj 298/13 K.O. Raspotočje, grad Zenica.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-25-003217 izdatog dana 15.10.2025. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinšteni registar obveznika indirektnih poreza broj: 04/1-17-1-UPJR/1-4473-2/16 izdatog dana 19.07.2016. godine od strane Uprave za indirektno oporezivanje Banja Luka,
- Ovjerena kopija Uvjerenja o poreznoj registraciji izdatog dana 28.07.2025. godine od strane Porezne uprave Federacije BiH – Kantonalni porezni ured Zenica,
- Punomoć zastupnika podnosioca zahtjeva broj: 01-1421/25 od 28.10.2025. godine,
- Kopija Rješenja o obnovljenoj okolišnoj dozvoli broj: UPI-05/2-23-11-155/17 izdatog dana 25.10.2017. godine od strane Federalnog ministarstva okoliša i turizma,
- Kopija Obavijesti broj: 05/2-19-5-468/22 dostavljenog dana 02.09.2022. godine od strane Federalnog ministarstva okoliša i turizma (objekat ne podliježe obavezi pribavljanja okolinske dozvole),
- Kopija Informacije broj: 12-23-11200/22 dostavljene dana 10.11.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (objekat ne podliježe obavezi pribavljanja okolinske dozvole),
- Kopija rješenja o odobrenju za upotrebu broj: UPI/03-23-2-383/14 MT izdatog dana 25.06.2015. godine od strane Federalnog ministarstva prostornog uređenja,
- Kopija Rješenja o vodnoj dozvoli broj: UP-I/25-3-40-380-3/19 izdatog dana 28.08.2019. godine od strane «Agencije za vodno područje rijeke Save» Sarajevo,

- Glavni projekat – vanjske hidroinstalacije - Dopuna tehnološke opreme u cilju spaljivanja animalnog otpada urađen od strane ovlaštenog pravnog lica «IBIS» d.o.o. Zavidovići broj: 31-IB-G/13, maj 2013. godine - na uvid,
- Kopija Izvještaja o monitoringu kvaliteta i kvantiteta otpadnih voda objekta «ALBA ZENICA» d.o.o. Zenica broj: 1238/25 urađen dana 14.07.2025. godine od strane «Inspekt-RGH» d.o.o. Sarajevo,
- Kopija Ugovora o čišćenju separatora broj:1925/23-DS zaključenog dana 12.12.2023. godine između «Delta Petrol» d.o.o. Kakanj i «ALBA ZENICA» d.o.o. Zenica,
- Kopija Radnog zapisnika o čišćenju separatora broj: 15-03/25 od 27.03.2025. godine i broj: 04-01/26 od 29.01.2026. godine,
- Kopija Rješenja o dozvoli za upravljanje otpadnom i njegovo zbrinjavanje broj: 12-19-10717/23 izdatog dana 13.05.2024. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja broj: UP1-14-21-2-06120/2025-1403-6 izdatom dana 24.10.2025. godine od strane Federalne uprave za inspekcijske poslove – Vodni inspektorat,
- Kopija Zapisnika o inspekcijskom nadzoru broj: UP1-14-21-2-00113/2025-1403-P-1403-6 urađenom dana 20.10.2025. godine od strane Federalne uprave za inspekcijske poslove – Vodni inspektorat,
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog Centra za mehaničko-termičku obradu otpada u naselju Raspotočje u Zenici i tom prilikom je sačinjen Zapisnik o uviđaju broj: UP-1/21-3-40-461-2/25 od 29.01.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Na lokalitetu Centra za mehaničko-termičku obradu otpada u poslovno-industrijskoj zoni u naselju Raspotočje, grad Zenica izgrađeni su sljedeći objekti: hala za sortiranje otpada i presovanje papira, hala u kojoj je smješteno postrojenje za mehaničko-termičku obradu (spaljivanje) animalnog i drugog otpada sa pripadajućom opremom, prostor za recikliranje i sortiranje elektronskog i električnog otpada, prostor za kompostiranje materijala, poslovne prostorije, dva plastenika za uzgoj ukrasnog bilja, boksovi za korisne otpadne materijale, prostori za kontejnere, prostor za mehanizaciju i opremu za zimsku službu, nadzemni rezervoar za TNG kapaciteta 5 m<sup>3</sup>, manipulativne i parking površine. Postrojenje za spaljivanje otpada koristi kao primarno gorivo sjeckanu biomasu ili drvo. Kotao kapaciteta 3000 kg/dan snage 450 kW proizvodi toplu vodu za potrebe grijanja i druge tehnološke potrebe. Doprema animalnog otpada vrši se u plastičnim zatvorenim kantama namjenskim vozilom – hladnjačom, a skladištenje se vrši u namjenskom kontejneru hlađenom do +4°C.

Sistem odvodnje i tretmana tehnoloških otpadnih voda predmetnog lokaliteta izveden je u svemu prema projektnoj dokumentaciji, na osnovu koje je od strane ove Agencije izdato Rješenje o vodnoj saglasnosti.

Snabdijevanje vodom za sanitarne potrebe uposlenih je obezbijeđeno priključkom na gradski vodovodni sistem. Manipulativne, radne i parking površine pogona su završno obrađene i asfaltirane sa izgrađenim sistemom kanalizacione mreže sa slivnim rešetkama za prihvatanje onečišćenih oborinskih voda.

Tehnološke otpadne vode nastale održavanjem i čišćenjem radnih površina za prikupljanje i obradu otpada, pranjem posuda za animalni otpad i boksova za skladištenje otpada zajedno sa onečišćenim oborinskim vodama sa nenatkrivenog platoa, saobraćajnih i manipulativnih površina predmetnog lokaliteta prikupljaju se sistemom slivnih rešetki i kanalizacione mreže te odvede do objekta za tretman otpadnih voda (separator ulja i masti kapaciteta 6 l/s). Ovako tretirane vode ispuštaju se, preko okna za monitoring, u kolektor oborinske kanalizacije. Krajnji ispuštaj prečišćenih voda je u rijeku Bosnu.

Čišćenje i pražnjenje separatora te zbrinjavanje taloga iz istog se vrši od strane «DELTA PETROL» d.o.o. Kakanj prema posebnom Ugovoru (prilog: radni zapisnik o čišćenju separatora od 27.03.2025. godine i 29.01.2026. godine).

Na uvid predložen Izvještaj o ispitivanju kvaliteta otpadnih voda za juli 2025. godine urađen od strane «Inspekt-RGH» d.o.o. Sarajevo. Prema podacima iz dostavljenog Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja predmetnog objekta u skladu sa odredbama člana 53. i 116. Zakona o vodama, člana 12. i 13.

Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «ALBA ZENICA» d.o.o. Zenica ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokaliteta Centra za mehaničko-termičku obradu otpada izgrađenog u naselju Raspotočje, grad Zenica, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju  
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «ALBA ZENICA» d.o.o. Zenica  
ul Sarajevska bb, 72000 Zenica
- Ⓞ AVP Sava, ISV-vodna knjiga
- Sektor 50
- Sektor 40 – arhiva
- Oglasna ploča – AVP Sava